

PADERBORN. EPISCOPATVS.

qui terra absorpti, post aliquot millaria iterum erumpere creduntur Paderbornæ & alibi. Fodinas habet ferri laudati, plumbi, lapidum, & salinas diversis locis: quin etiam nuper marmor ostentare cœpit, & alicubi arenulas auri.

*Regionis
partes.*

Fluvii.

Medianam regionem intersecat dorsum montium à Stad-Berg, ad oppidum Horn usque, quod in duas illam partes æquales dividit, *Cismontanam* & *Tramontanam*. Cismontana plana fere est tota, fertilisque, nisi ubi tandem in ericeta definit in territorio Delburgensi. Tramontana inæqualis & prærupta, fœcunda tamen agris & pascuis. Fluvii Cismontani sunt, Amasis, Padus, & Alma. Amasis in profunda hic valle, lenta sed copiosa scaturigine, solo arenoso caput attolit, pererratisque omnibus Monasteriensium finibus, ubi Orientalem Frisiā permeavit, Dullarto se miscet, ac Embdam alluens spacio ostio mare ingreditur. Padus & Alma à Lupia recipiuntur. Lupia hic quoque copioso fonte oritur prope urbem *Lipprinck*, qui Nienhuysium adiens, & porro Episcopatum Monasteriensem pervagatus prope Vesalam Rheno miscetur. Tramontani sunt Emmera, Neeta, & Dymela Visurgi se ingerentes, cum multis aliis minoris famæ.

Metropolis regionis est Paderborna, agri fœcunditate, loci amœnitate, cerevisiæ bonitate, & Academia nulli cedens. Præter hanc civitates plures viginti, è quibus potiores cis montes

Metropo-
lis.

Soltkotten salinis optimis, *Lipprinck* fontibus *Lippia* *Buren*, sede antiquissimæ familie nobiles.

Urbes aliae.

Trans montes præcipua est *Warburgum*, olim Comitatus, ubi sumen totius regionis ad ripam Dymelæ. Sequuntur *Borrentryck*, *Peckelsheim*, *Borcholte*, *Beverunge*, *Brakel* & *Steinheim*, omnes fertilissimi agri. Postrema loco, non ordine, *Lugda*, amœnissima valle inter pascua & prata, ad Emmeræ ripam collocata, unde non procul acidulæ Pyrmontanæ, longa experientia ad multos morbos commendatæ. *Sualenborg* & *Oldenborg* olim peculiares fuerunt Comitatus, qui nunc certis conditionibus, diversis tamen, Episcopo Paderbornensi, & Comiti Lippiensi conjunctim subjiciuntur. Vicini Paderbornensium sunt, Dux *Brunsicensis*, Abbas *Corbejensis*, *Hassus*, *Waldeck*, Dux *Westfaliae*, *Lippia* Comes, *Rietberg*, *Ravensberg* & *Pyrmont*. In hoc tractu creduntur cæsæ legiones Romanorum Duce *Quinctilio Varo*, ab Arminio *Cheruscorum* Duce.

